

〔遵水瑣言序〕一士徇役于江戶患兩脚浮腫筋攣肉痺衆皆以爲脚氣治之無驗來于京師請治韞卿曰此疝瘕也卽爲四逆散加吳茱萸牡蠣劉寄奴湯與之未三旬病已所以知非脚氣者切其脈沈緊心下痞硬脇下逆滿臍左有塊而胸腹無動氣息如常故曰疝瘕一婦浮腫脚弱筋攣氣急至夜氣自左脇責衝胸鬲煩悶不能寐衆皆以爲脚氣治之無驗乃按其腹心下拘急胸下痞而有動然心中不悸身無所麻痺卽爲大柴胡加龍骨牡蠣吳茱萸甘草湯與之一劑而知十劑而愈略中

文化二年九月

栲亭源之熙○村撰

〔叢桂偶記二〕水腫

平安山脇東門先生寄書曰得浪華林一鳥治水腫方曰地膚子大大麥小豆各右三味各別炒合和調勻更炒之是一鳥之奴竊識而傳之也余不知林一鳥爲何人後讀望鹿門又玄餘草有林一鳥傳曰羽林山名氏持節戍鎮攝城臨往令鳥以醫藥從焉到時城內逢于疫腫更興焉一般流行暴死者甚多鳥爲設一法又立一方斷禁米粟偏食菽麥以令疎泄敦阜乃試施之屢有收功後好事者或名爲脚氣腫滿云然鳥者惟稱腫不用別名鳥來東都寓居于金龍山畔其治驗藥餌自積爲書名客中集其書半刻在世半藏在家未全備乃活套也其立方禁秘枕中不欲傳非人故其書不載或欲將三百金換其方者不敢肯然今其不傳後世恐屬鳥有可惜哉

〔橘黃年譜下〕關宿侯臣由岐七郎脚氣ヲ患ヒ遍身水腫麻痺四肢ヨリ口吻ニ至リ心下痞滿嘔逆ヲ發シ虛里動高ク短氣小便不利殆ンド衝心セント欲ス余○淺田宗伯靈砂一錢ヲ以井華水ニ調シ送下ス須臾ニシテ嘔氣稍止尋テ犀角旋覆花湯ヲ與フ兩三日ヲ經テ衝逆ノ勢挫ケ洪腫故ノ如シ因テ越婢加朮苓合唐侍中一方ヲ與ヘ三聖丸ヲ兼用四五日ニシテ小便快利隨テ減ジ危急ヲ免ル

〔醫學天正記乾下〕便毒